

Na osnovu člana 10. stav (1) tačka e) Zakona o javnim nabavkama („Službeni glasnik BiH“, broj 39/14), Programa rada i Finansijskog plana Turističke zajednice Kantona Sarajevo za 2022. godinu i Odluke o izuzeću od primjene Zakona o javnim nabavkama za zakup prostora u zemlji i inostranstvu za potrebe promotivnih aktivnosti Turističke zajednice Kantona Sarajevo, zaključuje se

**UGOVOR O ZAKUPU I KORIŠTENJU PROSTORA ZA POTREBE PROMOTIVNIH
AKTIVNOSTI TURISTIČKE ZAJEDNICE KANTONA SARAJEVO U OKVIRU
28. IZDANJA SARAJEVO FILM FESTIVALA**

Između ugovornih strana:

1. »TURISTIČKA ZAJEDNICA KANTONA SARAJEVO«
(u daljem tekstu: Korisnik prostora),
koju zastupa Predsjednik prof. Kenan Magoda
Sjedište: Branilaca Sarajeva 21
Službene prostorije i adresa za slanje pošte: Dalmatinska broj 2/IV, 71000 Sarajevo
ID broj 4202315720008

i

2. »ART SERVIS« d.o.o. SARAJEVO
(u daljem tekstu: Davalac prostora),
kojeg zastupa direktor Hajrudin Ajkunić
Ul. Hamdije Kreševljakovića 13, 71000 Sarajevo
ID broj 4200301940002

I PREDMET UGOVORA

Član 1.

Ugovorne strane su se sporazumjele da sklope Ugovor o zakupu i korištenju prostora i pripadajuće tehničke infrastrukture, za potrebe promotivnih aktivnosti Turističke zajednice Kantona Sarajevo, u okviru projekta 28. Sarajevo Film Festival, na lokaciji Festivalski trg, dana 13.08.2022. godine, u vremenskom periodu od 21,30 do 23,30 sati.

Član 2.

Sarajevo Film Festival kao najveća regionalna smotra sedme umjetnosti, ima uticaj na ekonomsku, turističku, kulturnu i društvenu sliku Kantona Sarajevo i države BiH.

Predstavlja najznačajniji kulturni i turistički događaj koji ima međunarodni karakter, privlači veliki broj turista i posjetitelja, kontinuirano unapređuje i jača turističku ponudu u Kantonu Sarajevo, što su dovoljni argumenti da Turistička zajednica Kantona Sarajevo tokom trajanja Festivala prezentira turističke potencijale Kantona Sarajevo.

III CIJENA ZAKUPA I KORIŠTENJA PROSTORA I NAČIN PLAĆANJA

Član 3.

Cijena zakupa i korištenja prostora, bliže opisanog u članu 1. ovog Ugovora, iznosi 5.000,00 KM bez PDV-a.

Član 4.

Korisnik prostora se obavezuje cijenu za zakup i korištenje prostora iz člana 3. ovog Ugovora platiti na osnovu izdate fakture od strane Davaoca prostora, u roku od najkasnije 7 (sedam) dana od dana zaprimanja fakture na protokol Korisnika prostora, a nakon izvršene usluge, zakupa i korištenja predmetnog prostora.

Ugovorne strane su saglasne da će se plaćanje vršiti putem transakcijskog računa Davaoca prostora, navedenog na fakturi.

IV OBAVEZE KORISNIKA PROSTORA

Član 5.

Obaveze Korisnika prostora su:

- Da izvrši uplatu naknade za korištenje prostora u skladu sa članom 3. i 4. ovog Ugovora;
- Da izvrši opremanje prostora sa inventarom koji je bio neophodan za realizaciju promotivnih aktivnosti;
- Da omogući i dozvoli Davaocu prostora na korištenje i objavljivanje fotografija i video klipova sa događaja na web stranici, facebook i instagram profilu Davaoca prostora.

V OBAVEZE DAVAOCA PROSTORA

Član 6.

Obaveze Davaoca prostora su:

- Da obezbijedi prostor i omogući njegovo korištenje u skladu sa članom 1. i 2. ovog Ugovora, za potrebe promotivnih aktivnosti Turističke zajednice Kantona Sarajevo;
- Da prilikom konferencija za štampu i saopćenja za javnost ističe podršku koju Turistička zajednica Kantona Sarajevo pruža u realizaciji projekta;
- Da omogući isticanje banneru Visit Sarajevo na adekvatnom prostoru za vrijeme trajanja projekta;
- Da omogući Korisniku prostora postavljanje info pulta sa promotivnim materijalima.

VI TRAJANJE UGOVORA

Član 7.

Ovaj Ugovor se zaključuje na određeno vrijeme, do okončanja usluge zakupa i korištenja prostora iz člana 1. ovog Ugovora.

Član 8.

Ugovor prestaje istekom vremena na koji je zaključen.

VII RASKID UGOVORA

Član 9.

Korisnik prostora može jednostrano raskinuti ovaj Ugovor ukoliko Davalac prostora ne osigura zakup i korištenje prostora u skladu sa odredbama ovog Ugovora.

Član 10.

Davalac prostora može jednostrano raskinuti ovaj Ugovor ukoliko Korisnik prostora koristi prostor u svrhu protivnu ovom Ugovoru, te ukoliko Korisnik prostora u toku korištenja prostora postupi suprotno obavezama definisanim u članu 5. ovog Ugovora.

Član 11.

Ugovorne strane su saglasne da će i u slučaju otkaza, odnosno po isteku važnosti Ugovora, dovršiti započete poslove i da će izvršiti sve međusobne obaveze koje su preuzeli prije otkaza ovog Ugovora.

VIII ZAVRŠNE ODREDBE

Član 12.

Ugovorne strane su saglasne da će koordinirati sve daljnje korake u realizaciji prava i obaveza iz ovog Ugovora, i saglasne su da u realizaciji međusobnih obaveza vrše kontakte putem telefona ili e-mail-a.

Član 13.

Niti jedna izmjena ili dopuna ovog Ugovora nema važnost prije nego što bude potvrđena od obje ugovorne strane u pismenoj formi.

Član 14.

Sve informacije nastale na osnovu ovog Ugovora se smatraju poslovnom tajnom i ne smiju se davati trećoj strani bez odobrenja ugovornih strana.

Ugovorne strane se obavezuju da će svojim ponašanjima i aktivnostima čuvati tajnost podataka, poruka i dokumenata kojima raspolažu.

Ovaj Ugovor, bitni elementi Ugovora i drugi podaci koji će nastati kao rezultat poslovne saradnje, predstavljaju poslovnu tajnu, koju su obje strane dužne čuvati i nakon eventualnog prestanka poslovne saradnje.

Član 15.

Za sve što nije dogovoreno ovim Ugovorom, primjenjivaće se odredbe Zakona o obligacionim odnosima.


Član 16.

Ovaj Ugovor stupa na snagu danom njegovog potpisivanja od strane ovlaštenih osoba ugovornih strana.

Član 17.

Ovaj Ugovor sačinjen je u 4 (četiri) istovjetna primjerka, od kojih se Davaocu prostora uručuje 1 (jedan) primjerak, dok su ostali primjerci zadržani za potrebe Korisnika prostora.

ZA KORISNIKA PROSTORA
Turistička zajednica Kantona Sarajevo
[Redacted]
[Redacted]
Predsjednik * 2 *



ZA DAVAOCA PROSTORA
Art Servis d.o.o.

[Redacted]
Hajrudin Ajkunic
Direktor



Broj: 987-2/22

Datum, 12.08.2022. godine